



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Dissertationes De Actibus Humanis**

**Karchne, Simon**

**Augustæ Vindelicorum & Græcensis, 1716**

§. II. Adfertur regula universalis specificæ peccatorum distinctionis.

**urn:nbn:de:hbz:466:1-39981**

cum nihil præcedat aliud prius, à quo specificentur; peccata vero primi generis specificantur à præceptis positivis, solum à posteriori siquidem hæc præcepta sunt posteriora ad deformitatem, quam habent ex se ante omne præceptum formalē, cum natura rationali ut tali.

Omitto alias minus principales opiniones ut Pallavicini, species peccatorum diversas desumentis ex oppositione cum dictaminibus conscientiae specie diversis, Granadi recurrentis ad specie diversas deformitates cum rectâ ratione.

Omnes hæc sententiae possunt servire pro praxi, at si Theologicè examinentur, vix subsistunt, petitur enim adhuc regula fundamentalis discernendi,

quomodo unum peccatum præ aliquo maxime contra eandem virtutem diversimode discordet cum recto dictamine, aut quomodo unum dictamen specie distinguatur ab altero, aut quod perfectio unius virtutis differat specificè ab alia (cum relate ad hanc prima Opinio explicet specificationem, alias obscuram per æque obscurum exponeret) aut quod unum præceptum sit in alia specie, quam alterum, quod enim secunda opinio confugiat ad motiva specie diversa, non satisfacit, cum restet danda ratio, cur unum motiyum e. g. Religionis sit specie diversum à motivo v. g.

Justitiae.

\* \*



## §. II.

### *Adfertur regula universalis specificæ peccatorum Distinctionis.*

864. **P**eccata omnia sunt contra virtutes Theologicas, aut Morales. Regula discernendi Specificam contra morales virtutes peccatorum Distinctionem est hæc ex num. 595. si inspectis ijs actibus, quorum specifica inesse malitia distinctio inquiritur, reperiatur in singulis ratio specialis eos prohibendi, et si per possibile, vel impossibile cæteri actus evaderent liciti, ita Haunold. lib. 2. Theolog. tr. 2. n. 474.

Ut autem ejusmodi ratio prohibendi, seu speciale peccatum fundans speciale actus prohibitionem deprehendatur, peccata, inter quæ specifica diversitas investigatur, invicem sunt comparanda; in hac comparatione, vel unum respectu alterius apparet ex terminis gravius altero, vel non apparet gravius: si apparet, vide, an si fingatur id, quod constat excedere, seu esse gravius, fore licitum, adhuc in eo, quod constat esse

LIII 3 levi-

Ievius, reuceat specialis ratio illud prohibendi, nec ne: si non, hoc erit unus speciei cum priore; si ita, erit specie diversum; sic comparando furtum centum cum furto 50. Florenorum, ex terminis patet furtum centum esse gravius furto 50. & si per possibile, aut impossibile furtum centum foret licitum, nulla superest ratio prohibendi furtum 50. cui enim licet plus etiam licet minus in eodem genere.

E contra adulterium specie differt à fornicatione, quia esto adulterium quale non esset illicitum, seu contra Justitiam, fidemque matrimonij, adhuc datur ratio specialis inhibendi copulam inter non conjuges ob prolis incertitudinem.

Quando ex invicem comparatis unius excessus, seu majoritas malitia est ex terminis patens, non est necessitas comparandi vicissim peccatum minus grave cum majori, quia ex terminis est manifestum, quod magis gravi semper infit ratio prohibendi, quae non inest minus gravi.

865. Si inter duo, aut pluram peccata invicem comparata excessus malitiae non pateat ex terminis, tunc singula eum singulis comparanda sunt comparatione reciprocâ, sive mutua e.g. fornicatio, & inebriatio sunt peccata, quorum nullum ex terminis prodit malitiae excessum supra alterum, differunt ta-

men specie, quia licet esset fas fornicari, adhuc est ratio vetandi inebriationem, & è contra: privatio enim usus rationis, in qua est sita malitia ebrietatis, non continetur in malo fornicationis, sive in malo incertitudinis prolis, malaque hujus educationis, nec vicissim.

Quod si facta aliquorum mutui comparatione nequeat clare deprehendi separabilitas rationis prohibendi unum à ratione prohibendi alterum, & vicissim, tunc talium peccatorum specifica differentia erit aut dubia, aut probabilis.

Hæc Regula formaliter non potest applicari peccatis contra virtutes Theologicas ut ostendit Haunoldus, applicatur tamen æquivalenter sub alia hypothesi impossibili utili, nempe sub hac, si DEI odium impossibile esset propter impossibilem ejus permissionem, ut si esset impossibilis apprehensio mali, propter quod sit dignus odio, adhuc exstat ratio prohibendi odium proximi ad cavenda specialia mala non contenta in malis illis, ad quæ cavenda prohibitam est odium DEI.

Regula allata melius nequit probari quam quod opiniones §. precedente allatae, ut subsistant, ultimatim debant in hanc resolvi. Deinde confirmatur ejus veritas eam applicando diversis materijs peccatorum.

§. III.

